

Kev Tu Xyuas Tus Miv Kom Nyab Xeeb

Rau cov neeg cev xeeb me nyuam los sis lub nruab nrog cev tsis muaj zog

(Safely Caring for a Cat

For people who are pregnant or have a weakened immune system)



Cov miv yog ib tug tsiaj tseem ceeb rau hauv lub tsev neeg. Cov miv puav leej ua tau rau cov tib neeg cev xeeb me nyuam los sis lub nruab nrog cev tsis muaj zog kom voos kab mob taus heev dua. Qee cov kab mob uas cov miv yuav kis tau mus rau tib neeg yog: Cat Scratch Disease (Kab Mob Miv Khawb) (*Bartonella*), Tularemia (Rabbit Fever (Ua Npaws Luav)), Plague (Mob Ruam Loj) (*Yersinia*), Toxoplasmosis (Kev Muaj Kab Mob Cab), thiab intestinal parasites (cov cab plab hnyuv) (tapeworms (cab tws), hookworms (cab nqe lauj), roundworms (cab kheej), Giardia).

Yog tias koj los sis ib tug neeg hauv tsev cev xeeb me nyuam, koj tsis tag yuav nrhiav tsev tshiab rau koj tus miv. Siv cov kev ceev faj no los tiv thaiv kab mob:



NCUA CAIJ NYOOG SAWS LOS SIS COJ IB TUG MIV QUS LOS TU XYUAS RAU HAUV KOJ LUB TSEV. Cov miv qus yuav muaj feem mob cov cab plab hnyuv thiab cov voos kab mob heev tshaj uas yuav kis tau rau koj los sis koj lub tsev neeg.

CEEV COV MIV NYOB TWJ YWM SAB HAUV TSEV. Cov miv uas tawm tau mus rau sab nraum zoov yuav muaj:

- ▶ Kev poo raug kev mob thiab cov cab uas tsim muaj cov kab mob.
- ▶ Coj tau cov zuam los sis tuv los rau hauv koj lub tsev uas yuav kis tau tus kab mob cov neeg hauv koj lub tsev.
- ▶ Kev ua si nrog, sib ntaus nrog los sis mus yos cov tsiaj qus los sis cov miv tsis nyob poo neeg yuav kis tau kab mob rau koj tus miv.

XYEEJ COV KEV RAUG MIV KHAWB. Siv cov khoom ua si ntawm ib txoj hlua los sis hlab thaum ua si nrog koj tus miv, thiab/los sis npaj kom muaj qhov chaw rau khawb. Cov kev khawv uas ua rau tawv nqaij to yuav ntxeem taus kab mob rau, nrog rau *Bartonella* los ntawm tus miv uas nkag tau mus rau hauv tus tib neeg lub cev thiab tsim muaj kev mob.



SIV COV TSHUAJ TIV THAIV TUV THIAB ZUAM THAWM LUB XYOO. Xyuas kom cov tshuaj yeej pom zoo thiab sau los ntawm tus kws kho tsiaj. Cov miv yuav tsis haum ntau hom tshuaj muaj zog, thiab cov tshuaj uas siv tau rau lwm cov tsiaj yuav lom taus cov miv. Yog tias koj tus miv tsis haum cov tuv los sis zuam tom, cov tib neeg hauv tsev yuav muaj feem raug tom heev dua thiab yuav kis tau tus kab mob uas cov miv coj los.

- ▶ *Yersinia* thiab *Bartonella* yuav kis tau los ntawm cov tuv tom.
- ▶ Tus kab mob Tularemia, Lyme, thiab lwm cov kab mob yuav kis tau mus rau cov tib neeg los ntawm cov zuam tom.

MUAB TSHUAJ TUA CAB TSIS TU NCUA RAU KOJ TUS MIV. Siv qhov tshuaj uas pom zoo los ntawm tus kws kho tsiaj. Yuav tsis muaj cov cim qhia txog cov miv uas kis muaj cov cab plab hnyuv, tiam sis lawv cov cab plab hnyuv (piv txwv li cov tapeworms (cab tws), hookworms (cab nqe lauj), roundworms (cab kheej), Giardia) yuav kis loj heev rau tib neeg.

Qhia rau tus kws kho tsiaj paub yog tias muaj ib tug neeg hauv koj lub tsev npaj yuav xeeb me nyuam los sis nruab nrog cev tsis muaj zog. Qhov no yuav pab tus kws kho tsiaj muab cov kev pom zoo tshaj plaws rau koj tus miv thiab koj lub tsev neeg.





KEV POV THAIV

Kev ntxuav tes yuav pab tiv thaiv txoj kev sib kis ntau cov kab mob, nrog rau cov kab mob uas muaj los ntawm tus miv.

Kev ntxuav tes tseem ceeb tshwj xeeb yog tom qab:

- ▶ Kev kaus tawm lub thawv quav miv los sis tu cov quav miv tag. Cov miv yuav kis tau xov cab plab hnyuv los ntawm lawv cov quav.
- ▶ Kev chwv av los sis suab puam sab nraum zoov.
 - ▶ Cov miv nyob nraum zoov (cov miv teb, cov neeg ib puag ncig tus miv) yuav kis tau cov kab mob rau ib puag ncig los ntawm lawv cov quav.
 - ▶ Cov tib neeg yuav poo raug thaum mus ua teb zaub, ua si kov thawv av suab puam, los sis kev tu qab vag tsib taug.
- ▶ Kev chwv los sis puag koj tus miv. Kab mob ciaj taus hauv tus miv cov plaub.
- ▶ Kev lis khoom noj rau miv. Kab mob ciaj taus ntawm cov khoom noj qhuav, kaus poom thiab ua hauv tsev.



THAUM TWG MUS NRHIAV KEV KHO

Nrhiav kev kho rau koj tus miv ntawm ib tug kws kho tsiaj yog tias lawv muaj ib yam kev mob tshwm sim nram no:

- ▶ Tsis qab los noj
- ▶ Zawv plab thiab/los sis ntuav
- ▶ Lwm cov kev hloov txawv los sis txaus txhawj txog
- ▶ Tsis qab siab ua si los sis nkees heev
- ▶ Nqaij to ua kua paug kua yig, mob loj zus los sis pheej tsis zoo

Xyuas koj tus miv txoj kev noj qab haus huv yog tias lawv tawm mus sab nraum zoov uas tsis muaj tus saib xyuas rawv.



Nrhiav kev kho los ntawm tus kws kho mob yog tias leej twg hauv koj lub tsev muaj:

- ▶ Cov qhov nqaij raug khawb los sis tom uas sawv tej cov pob me
- ▶ Cov qog nqaij o
- ▶ Kub ib ce ua npaws
- ▶ Nkees tshaj li qub
- ▶ Mob nqaij leeg
- ▶ Raug tom los ntawm ib tug miv. Cov qhov nqaij raug tom los ntawm miv yuav voos yooj yim

Yog tias ib tug neeg hauv koj lub tsev pib mob, hu cuag ib tug kws kho mob, thiab qhia rau lawv paub tias yeej muaj ib tug miv nyob hauv tsev. Sib tham txog cov kev raug tom, raug khawb, los sis kev muaj mob tsis ntev los uas tus kws kho tsiaj tau ntsuas pom ntawm koj tus miv.



KEV TSWJ XYUAS LUB THAWV QUAV miv KOM NYAB XEEB

Yog tias koj cev xeeb me nyuam los sis lub nruab nrog cev tsis muaj zog, hais kom lwm tus neeg tu xyuas lub thawv quav miv. Yog tsis muaj lwm tus, ceev faj thaum kaus tawm lub thawv quav miv:

- ▶ Looj cov hnab tes yas latex los sis nitrile tshiab thaum kaus tawm lub thawv quav miv. Tsis txhob chwv koj lub ntsej muag, qhov ncauj, cov pob qhov rooj, thiab tej chaw li ntawd thaum koj ob txhais tes los sis cov hnab tes tseem lo phem.
- ▶ Kaus tawm cov quav **txhua 24 teev twg**. *Toxoplasma* hauv quav miv yuav ua rau tib neeg muaj mob tom qab 24 teev.
- ▶ Ntxuav lub thawv quav miv ntawm lwm lub dab dej uas tsis yog siv ua noj ua haus.
Txhua tus yuav tsum ntxuav lawv cov tes nrog tshuaj xub npum thiab dej tam sis tom qab kawm tawm quav los sis chwv raug quav miv.

